

## **RHAN 2 – ERTHYGLAU'R CYFANSODDIAD**

### **Erthygl 13 - Cyllid, Contractau a Materion Cyfreithiol**

---

#### **13.1 Rheolaeth ariannol**

Caiff materion ariannol yr Awdurdod eu rheoli yn unol â'r Rheolau Gweithdrefn Ariannol.

#### **13.2 Contractau**

Bydd pob contract a wneir gan yr Awdurdod yn cydymffurfio â Rheolau Gweithdrefn Contractau.

#### **13.3 Gweithrediadau cyfreithiol**

Mae'r Cyfarwyddwr Llywodraethu a Gwasanaethau Cyfreithiol a Chyfreithiol wedi'i awdurdodi i gychwyn, amddiffyn neu gymryd rhan mewn unrhyw weithrediadau cyfreithiol mewn unrhyw achos pan fo rhaid gweithredu i roi penderfyniadau'r Awdurdod ar waith neu mewn unrhyw achos pan fo'r Cyfarwyddwr Llywodraethu a Gwasanaethau Cyfreithiol a Chyfreithiol yn ystyried bod rhaid gweithredu felly i amddiffyn buddiannau'r Cyngor.

#### **13.4 Dilysu dogfennau**

(a) Pan fo rhaid cael unrhyw ddogfen ar gyfer unrhyw gytundeb, gweithdrefn neu weithrediadau cyfreithiol ar ran y Cyngor, caiff ei llofnodi gan y Cyfarwyddwr Llywodraethu a Gwasanaethau Cyfreithiol neu gyflogai arall a awdurdodwyd ganddo ef/hi, oni bai fod unrhyw ddeddf a fabwysiadwy yn awdurdodi neu'n mynnu fel arall, neu fod y Cyngor wedi rhoi'r awdurdod angenrheidiol i berson arall.

(b) Ac eithrio unrhyw contract a lunnir gan ddefnyddio system gaffael electronig neu sydd â'i werth yn llai na dau deg pump mil o bunnau [£25,000], bydd unrhyw contract a wneir ar ran yr Awdurdod yn cael ei wneud yn ysgrifenedig a'i llofnodi dan drefniadau a nodwyd yn y Rheolau Gweithdrefn Contract. Bydd unrhyw contract a wneir ar ran yr Awdurdod yn cydymffurfio â gofynion y Rheolau Gweithdrefn Contract a'r Rheolau Gweithdrefn Ariannol.

(c) Bydd unrhyw gyfeiriadau o fewn yr Erthygl hon i lofnodi dogfen yn cynnwys llofnod a gynhyrchir yn electronig trwy ddefnyddio system llofnod electronig.

#### **13.5 Sêl Gyffredin y Cyngor**

Bydd Sêl Gyffredin yr Awdurdod yn cael ei chadw'n ddiogel ym meddiant y Cyfarwyddwr Llywodraethu a Gwasanaethau Cyfreithiol a gellir ei rhoi drwy ddefnyddio system selio electronig ddiogel. Bydd penderfyniad yr Awdurdod,

neu unrhyw ran ohono, yn awdurdod digonol i selio unrhyw ddogfen sy'n angenrheidiol i weithredu'r penderfyniad. Caiff y Sêl Gyffredin ei hatodi at y dogfennau hynny y dylid eu selio ym marn y Cyfarwyddwr Llywodraethu a Gwasanaethau Cyfreithiol a Chyfreithiol. Caiff atodi'r Sêl Gyffredin ei hardystio gan y Cyfarwyddwr Llywodraethu a Gwasanaethau Cyfreithiol a Chyfreithiol neu unrhyw gyflogai arall a awdurdodir ganddo/ganddi.